

**FRAMKVÆMDARÁKVÖRÐUN FRAMKVÆMDASTJÓRNARINNAR
(ESB) 2016/2242**

2017/EES/67/04

frá 9. desember 2016

Þar sem kveðið er á um tímabundna markaðssetningu fræs, *Hordeum vulgare* L. af yrkinu Scrabble, sem fullnægir ekki kröfum í tilskipun ráðsins 66/402/EBE*(tilkynnt með númeri C(2016) 8106) (*)*

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 66/402/EBE frá 14. júní 1966 um markaðssetningu sáðkorns ⁽¹⁾, einkum 1. mgr. 17. gr.,*og að teknu tilliti til eftirfarandi:*

- 1) Á Spáni er ekki fyrir hendi nægilegt magn vottaðs fræs af öðrum ætlið *Hordeum vulgare* L., sem uppfyllir skilyrðin í A-lið 1. liðar í II. viðauka við tilskipun 66/402/EBE að því er varðar lágmarkshreinleika fræja, vegna vandamála sem komu upp í framleiðsluferlinu á næstliðnu ári og þar af leiðandi er ekki hægt að fullnægja þörfum þess aðildarríkis.
- 2) Ekki er unnt að anna eftirspurn eftir slíku fræi með fræi frá öðrum aðildarríkjum eða þriðju löndum sem stenst allar kröfur sem mælt er fyrir um í tilskipun 66/402/EBE.
- 3) Því ætti að veita Spáni heimild til að leyfa að fræ þess yrkis sé sett á markað með vægari skilyrðum.
- 4) Auk þess ætti að heimila öðrum aðildarríkjum, sem eru í aðstöðu til að útvega Spáni fræ þess yrkis, að leyfa setningu slíks fræs á markað til að tryggja starfsemi innri markaðarins og koma í veg fyrir röskun hans, án tillits til þess hvort fræinu er safnað í aðildarríki eða þriðja landi sem fellur undir ákvörðun ráðsins 2003/17/EB ⁽²⁾.
- 5) Þar eð með þessari ákvörðun er innleidd undanþága frá kröfum í reglum Sambandsins er rétt að takmarka magn fræs, sem uppfyllir vægari skilyrði, við það lágmark sem nauðsynlegt er til að fullnægja þörfum Spánar. Í því skyni að tryggja að heildarmagn fræs, sem heimilað er að setja á markað samkvæmt þessari ákvörðun, fari ekki yfir hámarks magnið sem þessi ákvörðun tekur til er rétt að Spánn sé samræmingaraðili þar sem landið hefur lagt fram beiðni um samþykkt þessarar ákvörðunar og verður fyrir mestum áhrifum af setningu viðkomandi yrkis á markað.
- 6) Þar eð setning fræs á markað sem uppfyllir vægari skilyrði krefst undanþágu frá kröfum í reglum Sambandsins ætti hún að vera tímabundin til 31. desember 2018 þar sem sá tími er nauðsynlegur til að gera ráð fyrir framleiðslu á viðkomandi fræi og endurskoðun á skilyrðum að því er varðar það yrki sem um er að ræða.
- 7) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um plöntur, dýr, matvæli og fóður.

SAMÞYKKT ÁKVÖRÐUN ÞESSA:

I. gr.

Setning fræs *Hordeum vulgare* L. (bygg) á markað í Sambandinu í flokknum „vottað fræ af öðrum ætlið“ af yrkinu Scrabble sem uppfyllir ekki kröfurnar að því er varðar hreinleika yrkis sem mælt er fyrir um í A-lið 1. liðar í II. viðauka við tilskipun 66/402/EBE skal heimiluð fyrir magn sem er ekki yfir 6 000 tonnum og á tímabili sem rennur út 31. desember 2018, að því tilskildu að lágmarkshreinleiki sé ekki undir 97%.

(*) Þessi ESB-gerð birtist í Stjtið. ESB L 337, 13.12.2016, bls. 22. Hennar var getið í ákvörðun sameiginlegu EES-nefndarinnar nr. 80/2017 frá 5. maí 2017 um breytingu á I. viðauka (Heilbrigði dýra og plantna) við EES-samninginn, biður birtingar.

⁽¹⁾ Stjtið. EB L 125, 11.7.1966, bls. 2309/66.

⁽²⁾ Ákvörðun ráðsins 2003/17/EB frá 16. desember 2002 um jafngildi akurskoðana sem gerðar eru í þriðju löndum í frærækt og jafngildi fræs sem framleitt er í þriðju löndum (Stjtið EB L 8, 14.1.2003, bls. 10).

2. gr.

Allir fræbirgjar, sem óska eftir því að setja á markað fræ, sem um getur í 1. gr., skulu sækja um það til þess aðildarríkis þar sem þeir hafa staðfestu. Í umsókninni skal tilgreina það magn fræs sem birgirinn óskar eftir að setja á markað.

Hlutaðeigandi aðildarríki skal heimila birginum að setja fræið á markað, nema:

- a) það hafi nægar vísbendingar til að efast um að birgirinn geti sett á markað það magn af fræi sem hann hefur sótt um leyfi fyrir eða
- b) veiting leyfisins myndi valda því að farið yrði yfir hámarks magn fræs sem um getur í 1. gr.

3. gr.

Aðildarríkin skulu veita hvert öðru stjórnsýsluaðstoð við beitingu þessarar ákvörðunar.

Spánn skal vera samræmingaraðildarríki til þess að tryggja að heildarmagn fræs, sem aðildarríkjunum er heimilt að setja á markað í Sambandinu samkvæmt þessari ákvörðun, fari ekki yfir það hámarks magn fræs sem um getur í 1. gr.

Öll aðildarríki, sem taka við umsókn skv. 2. gr., skulu tafarlaust tilkynna samræmingaraðildarríkinu um það magn sem umsóknin tekur til. Samræmingaraðildarríkið skal tafarlaust upplýsa viðkomandi aðildarríki um það hvort leyfisveiting leiðir hugsanlega til þess að farið verði yfir hámarks magnið.

4. gr.

Aðildarríkin skulu þegar í stað tilkynna framkvæmdastjórninni og hinum aðildarríkjunum um það magn sem þau hafa veitt markaðsleyfi fyrir samkvæmt þessari ákvörðun.

5. gr.

Ákvörðun þessari er beint til aðildarríkjanna.

Gjört í Brussel 9. desember 2016.

Fyrir hönd framkvæmdastjórnarinnar,

Vytenis ANDRIUKAITIS

framkvæmdastjóri.
